



Prishtinë, datë: 16.08.2023

KOMISIONI I PAVARUR PER MINIERA DHE MINERALE - Në bazë të Ligjit me Nr.05/L-031 të Procedurës së Përgjithshme Administrativë dhe Udhëzimit Administrativë me Nr.001/2018 mbi Procedurat e Qarkullimit të Dokumenteve, skanimi dhe ruajtje e tyre – arkivimi elektronik, në lidhje me aktvendimin me numër të protokollit 3432 dt. 07.10.2022 ndaj: The London PUB O.P, me nr.biznesi 811021071 me adresë; Prekazë i Poshtem, Skenderaj me pronar Burim Lushtaku, merr këtë:

AKTVENDIM

1. Dorëzimi i mëtejshme i i te gjitha shkresave dhe parashtrësive për : The London PUB O.P, me nr.biznesi 811021071 me adresë; Prekazë i Poshtem, Skenderaj me pronar Burim Lushtaku, tani e tutje do të bëhet me afishimin e tyre në tabelën e shpalljeve ne Komisionin e Pavarur për Miniera dhe Minerale .
2. Komunikimi nga pika I e dispozitivit konsiderohet i kryer, pas kalimit të afatit prej 10 ditëve, nga dita e afishimit te tyre në tabelën e shpalljeve në Komisionin e Pavarur për Miniera dhe Minerale .

Arsyetim

Ndaj : The London PUB O.P, me nr.biznesi 811021071 me adresë; Prekazë i Poshtem, Skenderaj me pronar Burim Lushtaku është lëshuar aktvendimi me numër të protokollit 3432 dt. 07.10.2022.

Në tentim që t'i dorëzohet akti administrativ ne përputhje me nenin 7 par. 3 të Udhëzimit Administrativë me nr.001/2018 , nga fletë kthesa e kthyer nga posta dy herë me dt.12.10.2022 dhe me dt.29.06.2023 , është konstatuar se pala nuk e ka pranuar aktin administrativ. Andaj, në pajtim me nenin 7.3.13 bëhet shpalljen publike të këtij akti administrativ.

Këshilla Juridike: Kundër këtij aktvendimi nuk lejohet ankimi administrative .

Sali Mulaj
Zëvendësues i Drejtorit
Komisioni i Pavarur për Miniera dhe Minerale





Republika e Kosovës – Republika Kosova – Republic of Kosova

Komisioni i Pavarur për Miniera dhe Minerale
Nezavisna Komisija za Rudnike i Minerale
Independent Commission for Mines and Minerals



KOMISIONI I PAVARUR PËR MINIERA DHE MINERALE (KPMM) në pajtim me nenin 79 parag. 3, 4 dhe 5 të Ligjit Nr. 03/L-163 për Minierat dhe Mineralet, ndaj ndërmarrjes: The London PUB O.P, me numër unik identifikues 811021071, me seli; Prekaz i Poshtëm, Skenderaj, në procedurë administrative me datë 07.10.2022 nxjerr këtë:

AKTVENDIM

1. Ndaj: The London PUB O.P, me numër unik identifikues 811021071, me seli; Prekaz i Poshtëm, Skenderaj
2. Në pajtim me nenin 79 parag. 3 i shqiptohet gjoba administrative lidhur me trefishin e sasisë Lignit prej 885.20 m³ për mineralet e shfrytëzuara ose eksploatuara të Lignitit në shumën prej 8,956.82 €
3. Në pajtim me nenin 79 paragrafi 4 shqiptohet gjoba administrative për zhvillimin e aktivitetit të jashtëligjshëm minerar pa posedimin Licencës së Shfrytëzimit në shumën prej 5,000.00 € (pesë mijë euro).
4. Dhe në pajtim me nenin 79 parag. 5 shqiptohet gjobë administrative në mënyrë kumulative (grumbulluese) lidhur me, parag.3 dhe 4 të këtij neni e cila është në shumën e përgjithshme prej 13,956.82 €.
5. Pala ka 15 ditë afat nga data e plotfuqishmërisë së këtij aktvendimi që të kryejë pagesën e shumës së përcaktuar në pikën 5 të dispozitivit në këtë xhirollogari 1000430070005950.

Arsyetim

Inspektorati i KPMM-së, gjatë inspektimit të aktiviteteve të jashtëligjshme minerare me datën 30.09.2022 në bazë të autorizimeve dhe obligimeve që dalin nga Ligji Nr.03/L-163 për Miniera dhe Minerale ka konstatuar se ndërmarrja : The London PUB O.P, është duke ushtruar aktivitetet të jashtëligjshëm minerar në shfrytëzimin e resurseve minerare të Lignit . Inspektimi është bërë në lokacionin e vendshfrytëzimit minerar në zonën kadastrale Prekaz i Poshtëm, Skenderaj

Gjatë inspektimit Inspektorët e Minierave kanë konstatuar se ndërmarrja : The London PUB O.P, është duke kryer aktivitetet të jashtëligjshëm minerar pa posedimin e Licencës së Shfrytëzimit gjë që është në kundërshtim me dispozitat materiale të pjesës së V (pestë) të Ligjit Nr.03/L-163 për Minierat dhe Mineralet të ndërlidhura me nenet 22, 23, 24, 25, 26, 27 të Ligjit Nr.04/L-158 për Ndryshimin dhe Plotësimin e Ligjit Nr.03/L-163 për Minierat dhe Mineralet, duke pasur parasysh faktin se në radhë të parë personi që dëshiron të ndërmarrë aktivitete të shfrytëzimit ose eksploatimit të burimeve minerale në Kosovë duhet të pajiset me Licencën në fjalë dhe se vetëm atëherë do të mund ti ndërmarr aktivitetet minerare që përfshihen nga të drejtat dhe detyrimet e Licencës së Shfrytëzimit e cila do ti jepte bartësit të Licencës të drejtën ekskluzive që të kryej aktivitetet e specifikuar të shfrytëzimit të mineraleve përkatëse duke iu nënshtruar kushteve dhe dispozitave të asaj Licence.

Inspektorët e Minierave kanë konstatuar se ndërmarrja : The London PUB O.P, aktivitetin e operimeve të jashtëligjshme minerare e zhvillonte në lokacionin me këto koordinata:

Nr.	Y	X	Z
1.	7484655.457	4733184	687.905

Në lidhje me këto koordinata ndërmarrja : The London PUB O.P, nuk ka poseduar Licencë të Shfrytëzimit të lëshuar nga organi kompetent i KPMM-së.

Departamenti i Gjeodezisë i KPMM-së, me datë 03.10.2022 ka kryer matjet gjeodezike të Ndërmarrja The London PUB O.P, në të cilin vend ishte ushtruar aktiviteti i jashtëligjshëm në sipërfaqe prej $S=391.457 \text{ m}^2$ dhe e cila sasi e mineraleve të shfrytëzuara është $V=872.948 \text{ m}^3$.

Makineria e angazhuar në kryerjen e aktivitetit të jashtëligjshëm mineralar në vendin e ngjarjes ishte:

- Seperacioni statik për thërmimin dhe seperimin e qymyrit.

Ndërmarrja në fjalë ditën e inspektimit është urdhëruar me anë të urdhëresës për ndërprerjen e aktivitetit të jashtëligjshëm mineralar dhe sekuestrimin e mjeteve të punës të lëshuar nga Inspektorët që menjëherë të ndërpres aktivitetin e jashtëligjshëm mineralar.

Duke pasur parasysh faktin se me rastin e inspektimit është konstatuar se ndërmarrja në fjalë nuk ka poseduar licencë të shfrytëzimit dhe se aktiviteti mineralar është i jashtëligjshëm dhe është në kundërshtim me dispozitat materiale të pjesës së V (pestë) të Ligjit Nr.03/L-163 për Minierat dhe Minalet, të ndërlidhura me nenet 22, 23, 24,25, 26, 27 të Ligjit Nr.04/L-158 për Ndryshimin dhe Plotësimin e Ligjit Nr.03/L-163 për Minierat dhe Minalet, dhe me këtë raste pasi që personi në fjalë ka shfrytëzuar ose eksploatuar resurset minerare të Lignit dhe Argjilesë në mënyrë të jashtëligjshme ku si rezultat i shfrytëzimit të resurseve minerare ka shkaktuar edhe dëme, me këtë raste në përputhje me nenin 79 paragrafi 2 nën paragrafi 2.3, si dhe paragrafit 3, 4 dhe 5 të Ligjit Nr.03/L-163 për Minierat dhe Minalet i shqiptohet gjoha administrative si rezultat i këtij aktiviteti të jashtëligjshëm.

Duke marrë parasysh arsyet e cekura më lartë u vendos si në dispozitiv të këtij aktvendimi.

Ky akt administrativ hyn në fuqi ditën e miratimit nga Drejtori i KPMM-së.

Këshilla Juridike: Kundër këtij aktvendimi lejohet ankimi administrativ brenda 30 ditëve nga dita kur pala e ka marrë njoftimin për nxjerrjen e aktvendimit. Ankimi administrativ i drejtohet Komisionit Shqyrtues për Ankesa të KPMM-së.

Aktvendimi i dërgohet:

- Arkivit të KPMM-së,
- Departamentit të Financave të KPMM-së,
- Palës.

Sali Mulaj
Zëvendësues i Drejtorit
Komisioni i Pavarur për Minerat dhe Minerale

